

Ny Valosoa sy hadihady

Kabarin-dRajoelina teny Mahamasina

Mifanohitra amin'ny zavatra iainan'ny Malagasy

Nitalakotrokotroka sy namirapirotra ary nanadinoina ny fahoriana tokoa ny fankalazana ny fe-tin'ny 26 Jona tamin'ity taona ity. Natomboka tamin'ny hiram-piderana ny Alahady lasa teo izany, ka tsy nianona tamin'izay fa niampy tsodrano sy « faminaniana » nomen'hy mpanakanto ara-pilazantsara iray an-dRajoelina Andry. Andriamanitra hono no nametra ka ity filohan'ny Repoblika ity eo amin'izany toe-rana izany, samy manana ny fijeriny amin'ity toe-javatra ity satria ny mpanjakan'ny zanak'Israely voalohany dia tsy nankasitrahana' Andriamanitra kafefa nisisika ireto mphodina ireto, ka nampiton-drain'ilay mpanjaka faisana. Efa nampitandrem'an' Andriamanitra ny zanak'Israely fa hijaly raha mi-hodina Aminy kanefa tsy niraharaha izany ireto vahoaka maditra ireto. Izany fotoam-pivavahana izany dia tsy maintsy mifarana amin'ny fisiorana an'Andriamanitra ary Antsam-piderana no natao tao Mahamasina kafefa dia dihy manara-penitra no hita tao ary na ny « olom-boahositra » aza dia nirona nanaraka izany. Ny mifanohitra amin'izany kosa ny teny Analamahitsy notarihan'ny Fivondronan'ny Fiagonana Kristiana eto Madagasikara (FFKM) satria tsy nisy nanao faminaniana na nitsodrano olona, fa nivavaka ho an'ny Firenena tokoa, mba hivoaka amin'izao loza maro iainany izao. Tsy nisy raiamandreny ara-pivavahana nitsodrano na iza na iza na nanao faminaniana teny Analamahitsy, satria tsy misy mpaminany ka hanao izany sahady herintaona mahery kely mialohan'ny fidianana ary tsy misy mahafantatra izay haloaky ny ampitso. Nanomboka tamin'io alahady io ihany koa ny fanomanana ny fiatrehana ny 26 jona, ka novaina avokoa ny lalana nizoran'ny fiara nandalo tao Mahamasina, izay nampimenomenona ny mpampiassa fiara izany toe-javatra izany. Raha ny nahatsapana azy dia hadino izany rehefa tonga ny andro mialohan'ny fety, satria efa tsinjon'ny mponina teto Antananarivo fa halaza ny hetsika rehetra manodidina izany. Ny 25 jona tolakandro dia efa namonjy ny tanana ambony ny vahoaka satria eny no mahatazana tsara ny eo Anosy, izay nanapoahana ny afomanga. Tsy vitsy koa ny nitanzotra nankeny Anosy toy ny isan-taona ary iaha-mahalala fa mahasarika olona maro ny afomanga ary tsy mahagaga izany, satria in-dray

mandeha isan-taona ihany no misy izany. Tsy teny Anosy ihany no tomefy olona fa teny amin'ny Araben'ny Fahaleovantena ihany koa ary mazava ho azy, fa tsy afaka misaraka ny fety sy ny zava-pisotro misy alikaola. Tsy mbola nisy toy izany koa ny olona nitanzotra sy nifanisika nankeny amin'ny Kianjan'i Mahamasina njery ny matson'ny foloalindahy ny 26 Jona maraina. Nangorom-potsy araka ny fitenenana ny teo Mahamasina ary nifanohitra amin'ny zavatra iainan'ny Malagasy ny kabarin'ny filohan'ny Repoblika Rajoelina, izay nilaza fa « tandroka aron'ny vozona » ny foloalindahy satria ny dikan'io dia « miaro ny vahoaka sy fananany » ny foloalindahy. Tsy izay ny zava-misy satria tsy mbola nisy toy izao tsy fandriampahalemana izao teto amin'ity Nosy ity nandritra ny 62 taona, ka mandry tsy lavo loha ny mponina, tsy any ambanivolo ihany, fa ety an-tanàn-dehibe ihany koa. Namirapirotra sy naresaka tokoa ny tanana raha ny teto an-drenivohitra no resahina ary samy niezaka nanadino ny fahasahiranana iainany isan'andro ny mponina. Toa nihavana daholo ny « mpifahaval » ara-politika ka maro tamin'ireo nasaina no tonga nannatrika ny matso tetra Mahamasina, satria mariky ny fifanajana hono izany, aryfetin'ny foloalindahy no natrehina fa tsy misy idiran'ny resaka politika. Misy milaza koa fa mariky ny fiandrianam-pirenena ny foloalindahy kanefa tena manana izany fiandrianany izany tokoa ve ity Firenena ity satria miakin-doha amin'ny any ivelany tanteraka ny fampihodinana ny fainam-pirenena eo amin'ny sehatra rehetra. Vita ny fety ka tsy maintsy hiatrika ny fainana andavanandro amin'izay ny vahoaka Malagasy. Etsy andaniny dia hanomboka hono ny Lalam-pirenena faha-13, hiainga ny fananganana ny "fly over" sy ny "Tanamasoandro", efa nisy ny tsara vintana ka nahazo ny "tranomora" eny Imerintsatosika... Etsy andaniny kosa dia tsy maintsy hatrehina ny vidin-tsoliha hiakatra sy izay haterak'izany. Mbola hitohy ny fanjavonan'ny harem-pirenena sy ny fanenjehana sy ny fanagadrany ny mpitondra ireo tsy mitovy hevitra aminy. Azo antoka fa tsy hifarana eo akory ny fitotongan'ny fainan'ny Malagasy ka hifarana tamin'ny fety iny ny fahoriana.

Andry Tsiavalona

26 jona tany amin'ny faritra Atsinanana
Tsy nitsanga-menatra ny TIM
Toamasina

Nandray anjara navitrika tamin'ny filaharambe, ho fan-kalazana ny faha-62 taona niverenan'ny fahaleovante-nam-pirenena tany Toamasina, renivohitry ny faritra Atsinanana ny avy amin'ny antoko Tiako i Madagaskara: TIM Toamasina. An-jatony maro ireo mpikatroka avy amin'ny antoko najoron'ny filoha Marc Ravalomana no nandray anjara tamin'izany matso tany Toamasina izany: tao ny Dis-TIM Toamasina, ny Tanora TIM ary ny Vehivavy TIM any amin'ny renivohitry ny faritra Atsinanana. Tsy nitsanga-menatra izy ireo, fa anisan'ny maro anisa tamin'ny fandrainan'anjara tamin'izany matso ho fankalazana ny 26 jona izany. Nitarika azy ireo nandritra izany ny filohan'ny Dis-TIM Toamasina, sady avy amin'ny comité ad'hoc, Malalanaina Andrianarifera dit Niaina. Tao aorian'ny filahara, nisy ny fihaonan'izy ireo tao amin'ny QG Ambodisoanambo, tamin'izany no nilazany fa miasa miaraka hatrany no fahombiazana araka ny anisan'ny filamatry ny filoha mpanorina, izany hoe: ilaina hatrany ny firaïsankina ao anivon'ny antoko, hitondra ho amin'ny fandresena amin'ny fotoam-pifidianana ho avy.

Isambilo



Ny avy amin'ny antoko TIM Toamasina, nandray anjara tamin'ny matso, tany amin'ny Araben'ny Fahaleovantena tany amin'ny renivohitry ny faritra Atsinanana.

TONONKALO

Ry Vorompotsy sy ry Vano !

Tsy ny fitafiana fotsy, tsy izany no mampiavaka,
Ka hisokajana anao ho tena olona mivavaka.
Zavajavatra eto ivelany entina manaitra ireny.
(Mety ho famitahana aza raha hahitsy ny fiteny !)

Ahoana ilay niakanjo fotsy niedinedina toa vano ?
Hay ny tetika dia tsotra : ny hangatoka tsodrano.
Tena tsisy tsy nihomehy ireo vahoaka tonga saina.
Io tokoa ilay nolazaina fa hoe "mbola hotsaraina" !

Ahoana ilay niakanjo fotsy dia niroboka nandihy ?
(Moa tsy toy ny vorompotsy ery amoron'ny farihy ?)
Sahona sy sahobakaka no sakafy sy mba hazany.
Ny handrapaka an'ireny no heveriny ho lazany !

Eny anaty fotaka izy no mazana mihoerahoera.
Eny hatrany no mitady voninahitra sy dera.
Raha tsy izay dia indro indray fa toa somary mivoa lasy,
Manakaiky irony omby ka mitsaingoka parasy !

Aoka isika tsy ho sodokan'ny miakanjo fotsy lava,
Fa ny sasany amin'ireny dia sokajin'ny mpandrava.
Ampitso, hainy indray ny mivoa ho toy ny "volon'ny voasary",
Ka dia mitandrema isika fio dia loko efa fanary !

IRINA HO TAFITA (23-06-22)



Ny fety teny Mahamasina ny alahady teo.

Loka voalohany tamin'ny tombola natao tetsy amin'ny kianjaben'i Mahamasina ary nosarahan'ny filoha Andry Rajoelina ny alahady teo, ny fahazoana Trano Mora eny Imerintsatosika distrikan' Arivonimamo faritr'ltasy. Mbola tsy nahazo ny laki-llen'izany trano hatreto ilay tovovavy nahazo ny loka. Fisehoana fotsiny ny teny Mahamasina, fa ny fanta-tanterehana ny fahazoana ilay trano dia mbo-la an-dalana. Arak'izany, trano mbola tsy vita no nosarahan, ka heverina homena ilay tovovavy nahazo izany loka voalohany izany, tena azo lazaina ho famitahana izany no nataon'izao fitondrana Rajoelina izao ny alahady teo, mahakasika io fanomezana trano tamin'ny tombola io. Ny loka faharoa sy faha-3 kosa dia tena nisy : moto sy i-phone 14. Ireo loka nozaraina ny alahady teo dia voalaza fa an-jatony mahery, nisy telefôrina,

thermos, kits solaires,...
Tsy voazara hatramin'ny farany anefa izany, soa ihany fa tsy ny tombola no naha-maika ny olona teny

Mahamasina, na ny filoha Rajoelina, fa ny hijery fety, fa raha tsy izany angamba dia mbola ho krontana be koa raha

nieritreritra izany tombola izany tokoa ireo mpiery.

Ny Valosoa

PRIERE AU SACRE CŒUR



Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue.

Remerciements au Sacré Cœur pour faveurs obtenues.

Ny Avo R.